

AZV por bira e desastre financiero mas grandi pa Pais Aruba

ORANJESTAD(AAN) Na Hulanda nan a pega barco mahos cu ziekenfondsnan y pa añanan largo diferente

ziekenfonds a crece y bira aparatonan burocrático grandi riba nan mes cu tabata

carece di tur eficiencia den trabao y control.

Antes Ziekenfonds na Hulanda tabata casi pornada pasobra e suma cu cada cliente di ziekenfonds tabata paga pa aña tabata cos di hari.

Di otro banda via trabao mayoria empleado tabata paga un cierto percentage hunto cu su doño di trabao pa asina ziekenfondsnan haya fondonan pa traha cune.

Tempo a cambia y na Hulanda ziekenfondsnan a cuminsa haya nan mes den problemanan financiero serio pa motibo di gastonan cu a bira demasiado halto y tambe fraude cu tabata worde cometi cu ziekenfondsnan.

Aruba ta cla pa tin su mesun Ziekenfonds?

E sistema di Ziekenfonds di Hulanda ta bay funciona na Aruba si e worde introduci manera cu nan a haci na Hulanda?

Pais Aruba tin e fondonan necesario pa por carga un Ziekenfonds modelo Hulandes?

Informacionnan cu

DIARIO a haya di Hulanda ta muestra cu Ziekenfondsnan na Hulanda a perde miyones na fraude cu a worde cometi di parti di mas o menos 20 mil pacient cu tabata declara gastonan na Ziekenfonds y cual gastonan no tabata hustifica.

Un total di 1.2 billion di florin a ser paga na hendenan cu no ta ni biba na Hulanda, pero nan tabata bishita Hulanda pa haya cuidio medico.

Esaki lo bay ta posibel na Aruba tambe caminda hopi extranhero ta biba y traha?

Tabata tin hende na Hulanda cu tabata haci uzo di Ziekenfonds sin cu nan tabata tin entrada di trabao o tabata haya cualkier forma di onderstand.

Actualmente gobierno no tin placa y boticanan a sera porta poco dia pasa pa pacientnan cu ta haya remedi via gobierno y esaki ya caba ta muestra cu mandatarionan mester bay pone bon atencion con ta bay haci cu gastonan medico pa evita cu Ziekenfonds na Aruba no para bira un tutu manera cu a pasa na

Hulanda.

For di bon fuentenan den gobierno mes, señalnan ta worde duna cu Aruba mester wanta duro cu su Ziekenfonds cu lo por bay para bira un di e desastrenan financiero mas grandi cu e isla aki a haya su mes aden.

Tin hopi ambtenaar ta haya cu e mihor opcion tabata pa drecha e sistema di SVB y carchi di gobierno cu a funciona pa decadanan largo, na lugar di bay inverti miyones den un AZV cu prome cu el a cuminsa funciona a costa hopi placa caba, corda ora cu tur hende mester bay cay bao di AZV.

Tempo lo bay muestra si AZV na Aruba lo ta un exito, pero mientrastanto gobierno y sigur departamento di Finanzas mester bay hiba un control hopi riguroso riba e forma con AZV ta maneha fondonan financiero.

Mester evita cu fraude grandi por worde cometi di parti di esnan cu kier probecha di e sistema di AZV.

DIABIerna TA TRATA CASO PENAL CONTRA DIRECTOR DI I.P.A. CU A MALVERSA PLACA

ORANJESTAD(AAN) -- Diabierna awor Corte di Promer Instancia lo trata e caso penal contra director di Instituto Pedagogico Arubano (I.P.A.), F.Zaandam, kende Ministerio Publico ta acusa di a malversa placa.

Zaandam, den su calidad como director di I.P.A. a malversa un cantidad di placa cu ta pertenece na gobierno. Un investigacion a conduci na su detencion caminda a bin saca afor cu el a malversa placa. A consecuencia di esaki Zaandam tabata cera.

Ta asina cu actualmente Zaandam no ta cera mas y diabierna lo mester presenta dilanti Juez pa duna cuenta di e delito cu el a haci.

Investigacion cu DIARIO a haci ta muestra cu ultimo añanan ta un cantidad di casonan di malversacion den departamentonan di gobierno a tuma lugar. Notabel ta cu mayoria di e personanan culpabel no a haya castigo di prison. Tin algun caso cu Juez a condena e culpabel na algun luna di prison. Hopi di e culpabelnan ta haya un castigo combina cu ta encera cu e tempo cu ya nan a keda cera ta worde desconta y e resto ta keda condicional. Tin caso-

Gobernador ainda

no a dicidi di extradicion di

Beto Arends

ORANJESTAD(AAN) -- Gobernador di Antiyas ainda no a tuma un decision si ta extradita Beto Arends of no. Ayera tabata spera un decision pero for di Curaçao a drenta e informacion cu ta haciendo e trabao necesario pa yega na un decision e siman aki mes. Ta parce cu lo mester cumpli cu cierto requisitonan prome cu por yega na un decision. Mientrastanto Beto Arends ta keda Aruba te ora tin un decision.

nan caminda nan lo mester paga e placa bek. Esey hopi biaha ta un otro caso cu e departamento ta cuminsa contra e persona pa e paga bek. Hopi di e personanan aki ta conciente cu loke nan a haci ta encera cu nan por perde nan trabao. Hopi ta keda suspendi te ora cu Corte tuma un decision pa e ora ey gobierno dicidi kico ta haci cu e persona. Tin biaha nan ta perde nan trabao pero tin biaha nan ta worde traslada pa otro departamento.

Diabierna lo bay haya sa kico realmente Zaandam a haci y kico ta e exigencia di Fiscal.

